

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK
- Komisija za utvrđivanje rezultata izbora
za članove savjeta mjesnih zajednica na
području općine Vareš -



Broj: 02/2-165/21
Vareš, 15.10. 2021. godine

Na osnovu člana 7. Odluke Općinskog vijeća Vareš, o raspisivanju izbora za članove savjeta mjesnih zajednica na području općine Vareš, broj: 01-145/21 od 29.07.2021. godine, Komisija za utvrđivanje rezultata izbora za članove savjeta mjesnih zajednica na području općine Vareš, imenovana Rješenjem Općinskog vijeća Vareš, broj: 01-152/21 od 29.07.2021. godine d o s t a v l j a

I Z V J E Š T A J

o provedenim izborima za članove savjeta mjesnih zajednica **na području općine Vareš**

U skladu sa Odlukom Općinskog vijeća Vareš, o raspisivanju izbora za članove savjeta mjesnih zajednica na području općine Vareš, broj: 01-145/21 od 29.07.2021. godine (u daljem tekstu: Odluka), Komisija za utvrđivanje rezultata izbora za članove savjeta mjesnih zajednica na području općine Vareš, imenovana Rješenjem Općinskog vijeća Vareš, broj: 01-152/21 od 29.07.2021. godine (u daljem tekstu: Komisija) je na osnovu zapisnika sa zborova građana koje su dostavili organi mjesnih zajednica pripremila ovaj Izvještaj i dostavlja ga Općinskom vijeću Vareš.

Odlukom su utvrđena četiri datuma za izbore u mjesnim zajednicama i to: 04. i 05.09. i 11. i 12.09. 2021. godine.

Dana 04.09.2021. godine izbori su provedeni u Mjesnoj zajednici Stupni Do, a 05.09. 2021. godine u Mjesnoj zajednici Javornik i Mjesnoj zajednici Kokošćići.

Dana 11.09. 2021. godine izbori su provedeni u sljedećim mjesnim zajednicama: Dabravine, Dragovići, Mir, Očevija, Pogar, Pržići, Ravne, Strica-Zaruđe, i Striježevo.

Dana 12.09. 2021. godine izbori su provedeni u sljedećim mjesnim zajednicama: Brgule, Budoželje, Donja Borovica, Duboštica, Gornja Borovica, Neprivaj i Planinica.

U Mjesnoj zajednici Ligatići izbori su provedeni dana 18.09. 2021. godine, u Mjesnoj zajednici Daštansko dana 19.09. 2021. godine, a u Mjesnoj zajednici Vijaka dana 10.10. 2021. godine.

U članu 79. Statuta Općine Vareš – prečišćeni tekst, broj: 01-162/12 od 11.09. 2012. godine stoji: „*Organi mjesne zajednice dužni su organizovati i obezbijediti održavanje zbora građana. O održavanju i vođenju zbora građana brine se predsjednik mjesne zajednice, odnosno njegov zamjenik.*“

U vezi sa naprijed navedenim, Komisija je na osnovu zapisnika dostavljenih od organa mjesnih zajednica utvrdila ovaj Izvještaj.

Komisija konstatuje da su izbori provedeni u 19 mjesnih zajednica u dane utvrđene Odlukom. Izvan termina utvrđenih Odlukom izbori su provedeni u tri mjesne zajednice.

Dakle, izbori su provedeni u 22 mjesne zajednice i organi mjesnih zajednica su blagovremeno dostavili zapisnike sa zborova građana.

Komisija je za 22 mjesne zajednice pripremila odluke o potvrđivanju rezultata izbora za članove savjeta mjesnih zajednica i to: Brgule, Budoželje, Dabravine, Daštansko, Donja Borovica, Dragovići, Duboštica, Gornja Borovica, Javornik, Kokošćići, Ligatići, Mir, Neprivaj, Očevija, Planinica, Pržići, Pogar, Ravne, Striježevo, Strica-Zaruđe, Stupni Do i Vijaka.

U mjesnoj zajednici Vareš Majdan, zbor građana je zakazan i održan 12.09. 2021. godine iako nije bilo kvoruma.

U mjesnoj zajednici Vareš, zbor građana je zakazan za 11.09. 2021. godine. Zbog nedostatka kvoruma nije izvršen izbor organa mjesne zajednice.

U mjesnoj zajednici Kadarići ni nakon nekoliko pokušaja nisu provedeni izbori.

Prijedlog i mišljenje Komisije

Na zboru građana Mjesne zajednice Vareš Majdan nije bilo kvoruma ali i pored toga prisutni građani (njih 18) su donijeli odluku da izaberu organe te izvršili izbor savjeta i predsjednika. Ovakav način izbora je u suprotnosti sa odredbama člana 63. stav 2. Statuta Općine Vareš – prečišćeni tekst, broj: 01-162/12 od 11.09.2012. godine u kojem stoji: „*Zbor građana može punovažno odlučivati ako je prisutna najmanje jedna desetina građana upisanih u spisak birača za tu mjesnu zajednicu.*“

Građani koji su bili prisutni na zboru građana (njih 18) su donijeli odluku o izboru organa mjesne zajednice iako svjesni da nema kvoruma i da takve odluke nisu punovažne. Svojim postupkom oni su na određeni način iznijeli svoj stav o mjesnoj zajednici, značaju i važnosti mjesne zajednice za život građana, a posebno oni kandidati koji su prihvatili kandidaturu i izabrani u organe mjesne zajednice.

Uzevši u obzir sve naprijed navedeno, Komisija predlaže Općinskom vijeću da Općinskom načelniku da saglasnost da izabrani savjet i predsjednika Mjesne zajednice Vareš Majdan, a prema Zapisniku sa Zbora građana Mjesne zajednice Vareš Majdan, broj: 04-01/21 od 12.09. 2021. godine, imenuje kao povjerenstvo i povjerenika sa pravima i obavezama savjeta i predsjednika.

Kada je riječ o Mjesnoj zajednici Vareš, na zakazanom zboru građana nije bilo kvoruma (prisutno 10 građana) i nije izvršen izbor organa. Prisutni na Zboru su donijeli sljedeći zaključak: „Potrebno je da Općina Vareš, načelnik i OV Vareš kao i druga nadležna tijela krenu u postupak izmjene Statuta Općine Vareš tačnije člana 63. st. 3. odnosno da riječ „javnim“ glasanje se zamjenjuje „tajnim“ glasanjem i da se u istom stavu „jedna desetina“ zamjeni sa „jednom petinom“ te na taj način se omogući i odblokira izbor članova savjeta MZ Vareš. Također, izbor predsjednika MZ Vareš treba vršiti na način na koji to Statut MZ Vareš omogućava odnosno da izabrani članovi savjeta MZ Vareš biraju između sebe predsjednika MZ Vareš.“ (Zaključak naveden u originalu iz Zapisnika sa zбора građana MZ Vareš od 11.09. 2021., broj: 01-03-/21 od 16.09. 2021. godine). Komisija ovaj zaključak navodi jer su građani koji su isti donijeli (njih 10) tražili da bude sastavni dio ovog Izvještaja.

S obzirom da nisu provedeni izbori u Mjesnoj zajednici Vareš, Komisija predlaže Općinskom vijeću da Općinskom načelniku da saglasnost za imenovanje povjerenstva i povjerenika Mjesne zajednice Vareš.

Kada je riječ o Mjesnoj zajednici Kadarići, u kojoj izbori nisu provedeni ni nakon nekoliko pokušaja, Komisija također predlaže Općinskom vijeću da Općinskom načelniku da saglasnost za imenovanje povjerenstva i povjerenika Mjesne zajednice Kadarići.

Glavni razlog zbog kojeg Komisija predlaže davanje saglasnosti Općinskom načelniku da imenuje povjerenstva i povjerenike u mjesnim zajednicama: Vareš Majdan, Vareš i Kadarići jeste nastavak funkcioniranja navedenih mjesnih zajednica do izbora organa u skladu sa općinskim propisima.

DOSTAVLJENO:

1 x Općinsko vijeće Vareš,
1 x a/a.

KOMISIJA U SASTAVU:

1. Čedomir Jelić, predsjednik;
2. Mersad Đido, zamjenik predsjednika;
3. Dragan Orozović, član;
4. Anel Fatić, član;
5. Malik Likić, član.